

## ЦЭРГИЙН АЛБА ХААГЧИЙГ БЭЛТГЭЛЭЭР ХАЛАХ ЁСЛОЛЫН АЖИЛЛАГАА

1. Цэргийн алба хаагчийг цэргийн жинхэнэ албанаас бэлтгэлээр халагдсантай холбогдуулан хүндэтгэлийн ажиллагааг ахмад дайчид, орон нутгийн төлөөлөгчид, гэр бүлийнхэн болон ангийн бие бүрэлдэхүүнийг оролцуулан зохион байгуулна.

Цэргийн албанаас бэлтгэлээр халагдаж байгаа цэргийн алба хаагчийн “Байлдааны туг”-д ёсолж, эхүндэтгэл илэрхийлэх ажиллагааг ангийн дэлгээ жагсаалын өмнө гүйцэтгүүлнэ.

Ангийн захирагчийг бэлтгэлээр халагдахад ахлах дарга, бусад цэргийн алба хаагчийг үдэх ажиллагааг ангийн захирагч зохион байгуулна.

**ЗХЖШ /ХХЕГ, ОБЕГ/-ын дарга, Дотоодын цэргийн командлагч, ХЗЦ, АЦ-ийн командлагч нарыг бэлтгэлээр чөлөөлөхөд ЗХЖШ /ХХЕГ, ДЦ, ОБЕГ, ХЗЦК, АЦК/-ын бие бүрэлдэхүүн, цэргийн хүрээний анги, байгууллагын захирагч нар хүндэтгэлтэйгээр оролцоно. Энэ үед Жанжин туг /ХХЕГ, ДЦ, ОБЕГ, ХЗЦК, АЦК/-ын “Байлдааны туг”/-ийг “Цэргийн жагсаалын дүрэм”-д заасны дагуу залж, гаргана. Мөн Бүх Цэргийн Их Хар Сүлдэнд хүндэтгэл илэрхийлнэ.**

2. Цэргийн жинхэнэ албанаас бэлтгэлээр халагдаж байгаа ангийн захирагчийг үдэх ёслолын ажиллагаанд бие бүрэлдэхүүн ёслолын хувцастай жагсана.

Ангийн захирагчийг үдэх ёслолын ажиллагаанд оролцож байгаа ахлах дарга илтгэл авч, бие бүрэлдэхүүнтэй мэндлээд ангийн захирагчийг бэлтгэлээр халах, өөр албан тушаалд томилогдсон тухай тушаалыг танилцуулж, түүний ажил, амьдралын замналын тухай товч үг хэлж, дурсгалын зүйл гардуулна.

**/ЗХЖШ, ХХЕГ, ОБЕГ, /-ын дарга, Дотоодын цэргийн командлагч, ХЗЦК, АЦК, орлогч, анги, байгууллагын захирагчаар ажиллаж байгаад цэргийн жинхэнэ албанаас бэлтгэлээр халагдаж байгаа захирагч /дарга/-д анги, байгууллагын дурсамжийг гардуулна. Дурсамжийг ахлах даргын тушаалаар томилогдсон захирагч /дарга/ гардуулж баяр хүргэнэ. Үлээвэр найрал хөгжимд талархлын хөгжим эгшиглэнэ. Үүний дараа ахмад дайчид, гэр бүлийнхэн, цэргийн алба хаагчид үг хэлнэ. Төгсгөлд нь Байлдааны туганд хүндэтгэл үзүүлэх ажиллагааг гүйцэтгэнэ. Ангийн захирагч жагсаалаа голлон байрлаад “Тугч, Над руу алхаад-МАРШ” команд өгнө.**

Энэ командаар туг залагч Байлдааны тугийн өмнө 3 алхам гарч “Тугч, миний хойноос алхаад-МАРШ” команд өгч жагсаалын алхаагаар алхаж ангийн захирагчийн заасан газарт очиж тугч, туг хамгаалагчид жагсаал уруу харж нэг эгнээнд, туг залагч тэдний баруун талд зогсоно.

Үдэн гаргуулж байгаа захирагч /дарга/ Байлдааны туг руу очиж ёслоод, малгайгаа авч зүүн гарын шуун дээр тавьж зүүн хөлөө нэг алхан сөгдөж, Байлдааны тугнаас баруун гараараа барьж, адис аваад босож малгайгаа өмсөн ёсолно.

Байлдааны туганд хүндэтгэл илэрхийлсний дараа ангийн хуучин

захирагч шинэ захирагчийн зүүн гарт очиж зогсмогц, шинэ захирагч команд өгч Байлдааны тугаа жагсаалд байрлуулна. Шинэ захирагчийг ёслолын жагсаалаар алхах команд өгсний дараа хоёр захирагч эргэж индэр дээр гарч зогсоно.

Цааших ажиллагааг ангийн шинэ захирагч үргэлжлүүлэн “Цэргийн жагсаалын дүрэм”-д заасан журмаар удирдана. Байлдааны тугийг залж гаргах, буцааж оруулах үед хөгжимд **“Туг хүндэтгэх аялгуу”** эгшиглэнэ.

3. Удирдлага, штабын болон салбарын офицер, ахлагчийг бэлтгэлээр халах ёслолын хүндэтгэлийн ажиллагааг 2 дугаар хэсэгт заасны дагуу явуулна. Бие бүрэлдэхүүн ёслолын хувцастай байна.

Дээр дурдсан цэргийн алба хаагчийг бэлтгэлээр үдэн гаргахдаа ангийн захирагч тушаалыг танилцуулж, бэлтгэлээр халагдагчийн ажил, амьдралын талаар товч үг хэлж, анги, байгууллагын дурсамжийг гардуулна. Дараа нь анги /салбар/ ёслолын жагсаалаар явж хүндэтгэл үзүүлнэ.

4. Бэлтгэлээр халагдсан түрүүч, байлдагч нарыг үдэх хүндэтгэлийн ажиллагаанд албаны хувцастай жагсана. Ангийн захирагч илтгэл авсны дараа Байлдааны тугийг хүндэтгэлийн байранд залах бөгөөд захирагчийн командаар бэлтгэлээр халагдах түрүүч, байлдагч нар тус тусын салбарын жагсаалаас 10-20 алхамд гарч жагсаал голлон байраа эзэлнэ.

Ангийн захирагчийн нэгдүгээр орлогч, штабын дарга бэлтгэлээр халах, цэргийн албандаа амжилт гаргасан тэргүүний дайчдыг урамшуулах тухай захирагчийн тушаалыг танилцуулна. Шагналыг ангийн захирагч гардуулна.

Ангийн захирагч бэлтгэлээр халагдаж байгаа цэргийн алба хаагчдад хандан баяр хүргэж үг хэлсний дараа үлээвэр найрал хөгжимд Монгол Улсын “Төрийн дуулал” эгшиглэнэ. Хүндэтгэлийн ажиллагааны төгсгөлд бэлтгэлээр халагдаж байгаа бие бүрэлдэхүүн ёслолын жагсаалаар явна.

Байлдааны тугийг байранд нь залах ажиллагааг “Цэргийн жагсаалын дүрэм”-д заасан журмаар гүйцэтгэнэ.